

Хаврин тәрәнә көдлми эклджәнә

Каспийск района „Оленичевский“ совхоз хаврин тәрә болн темс тәрлгънд сән белдвр кедж йовна. Эн джил 75 гектар олн зүсн темс тәрхми, тер дотр 50 гектар тарвс. Темсн тәргдх цуг газрт бәәрн удобрень зөөгддж асхгдв.

Темсн тәргдх газрур ус орулх, утдан 1300 метрт канав малтгдв. Ода 2 бригадт 5-д звенос бүрдәгдв. Звенос болгънд 10 күн көдлджәцхәнә.

Шидр болсн совхозин күчкөлсчнрин хург деер звеневод Эрдни-Гаряева Долан, бригадир үр Шогляев Данил Манжиевич болн нань чигн улс хаврин тәрәнә көдлмишиг үзмджтәгъәр күцәхми гидж даалгъвр авцхав. С. Г. ЛИДЖАЕВ.